

淮南萬畢術

附元  
倉子

舊鈔本  
陳奐跋  
沈氏海月樓舊藏



淮南萬畢術

元倉子附



淮南萬畢術



理髮竈前婦安夫家

藝文類聚十七



用麻子中人桐葉米汁煮之沐二十日髮長

同上

得

孤桃枝

御覽九百十八作之

券象令雞夜鳴

取孤桃南北行

林

之夜无

長三尺折以為券涂以三歲雄雞血夜居杙

作告下

塗棲

則鳴

同上十六

梧毛犬尾親友自絕

取馬毛犬尾

御覽七百三十六下有火之二十

馬明

字置朋友衣若夫婦衣中

本有夫婦二字

自相憎矣

衣若並妻

同上十三

青塗殺鼈得覓復生

同上十六

塗



此條孫本作埋石四隅之注

若燒龜致鼈

取龜夜燒之則鼈至也上同

夜則並自也

取蛭脂為燈置水中即見諸物

初學記二十五

老

類聚八十變為萍

聚血之精至黃泉同上二

血也

橐駝之本出泉源

同上二

欲致疾風焚雞羽

太平御覽九

歲暮臘埋圓石於宅隅雜以桃弧七枚則無鬼疫同上

三十

東行馬蹏土令人臥不起

取東行馬蹏下土三家

合

井中泥合土和之置臥人臍上即不能起

同上三

竈之土不思故鄉

取竈前三寸方半寸取中土持

注文二十字孫本无

孫本注曰歲暮臘埋圓石於宅隅雜以桃弧七枚則無鬼疫御覽三十三

之遠出令人不思故鄉同上

埋石四隅家無鬼

取蒼石四枚及桃七枚以桃弧

射之乃取併埋弓矢四隅故無鬼殃

同上五十一

方諸取水

方諸形若杯無耳以五石合冶以十二

無耳並治

月壬子夜半作之以承

按當脫

水即來同上五十八

壬子並无

竈神

以字李兆洛鳳臺縣志引有

晦日歸天白人罪同上八十六

以无

拔劍倚戶

七作百三

兒不夜驚同上四十四

牛翁十四

可以强弩

取牛翁十四枚曲蟻白頸者

二七以三尺新布裹之活塗布著之無令人見用之

十毋

拭弩令溫引之校半力也

同上三百四十八

拭无



馬柳生爵茅者取馬柳生茅可以為藥食致鬼矣上同

柳者无柳合鼻

三百五  
鵲腦令人相思 取雌雄鵲各一頭中腦三字依九

補燔之四道通按當作丙寅日與人共飲酒置腦酒

中則相思也同上七百

老槐生火膠撓水則清上同

敝箕止鹹 取箕以內醬中則鹹著箕矣上同

首澤浮鍼 取頭中垢以塗鍼鍼字依八塞其孔置

水中補中字即則作浮上同

取亡人衣裏磁石縣井中亡者自歸矣上同

中无

鍼无

獎則无

撓

三字无

燒角入山則虎豹自遠惡其臭也上同

孫本四字  
注文

赤布在戶婦人留連 取婦人月事布七月七日燒

為灰置楣上即不復去勿令婦人知上同

取家祠鳳臺縣志黍啖兒兒不思母上同

取門冬赤黍漬以狐血陰乾之四十字依八百欲飲酒

取一丸置舌下酒吞之令人不醉上同

門冬赤黍薏苡為丸令婦人不妬上同

削冰令圓舉以向日以艾承其影則火生上同

燒木賣酒人民自聚 取失火家木刻作人形朝朝

木枝

賣木

祭之人聚也上同

矣



蝟膏塗鐵柔不折上同

甌

狼皮在戶羊不出牢畏狼故也上同

取狼皮以當空

四字无羊畏狼

戶則羊畏不敢出矣百同九上九

牛膽鳴釜取牛膽以塗熱釜即自鳴矣五同七上七百

六字无

馬蹏破甕取馬蹏燒如炭置甕中有頃破矣七同百上

注文孫本無

五十

銅甕雷鳴取沸湯著銅甕中塞堅密內之井中則

置甕堅塞之

雷鳴聞數十里上同

作

雲母入地千歲不朽百同八上八

雲母在足無踐棘取大雲母塗足下踐棘不能刺

下无跨能无勾

孫本合二條為一

上同

雲母來水雲母石能致水上同

僵蠶使馬不食欲愈之以桑拭口鼻即食矣上同

十字无

馬喜齧人取依七百僵蠶塗上唇百三字依七即不齧

喜无止復

也二同十五上八百

人

白芳七結浴蠶上同

鹽能累卵取戎鹽塗卵取他卵置其上即累也上同

戎无其无

十八百六

犀角駭狐百同九上十八犀角置狐穴中狐不歸七百三十六

牛膽塗目莫知其誰取八歲黃牛膽桂三寸著膽



中百日以成。因使巧工刻象人丈夫著目下為女子著頭小為小兒著頭下盛以五色絲囊先宿齊無人

知也。同九十八百

阿羊九頭而更食國亂乃出。同九百二

歸終知來。猩猩知往。歸終猩猩皆神獸。同九百八

狐目狸腦鼠去其穴。以塗鼠穴即去。同九百十一

被髮北向咒殺巫鼠。夜有巫被髮北向禹步咒曰

老鼠不祥過者受其殃。同上

人面擊地飛鳥自下。取藥木為人形似鳥而血塗

人面以擊地飛鳥。本誤自下百十四

鳥自飛下

鼠禹步无

並

孫本取伯勞血塗金人不取化為石也凡十三字

寒類聚九十皋斷舌可。可字依類聚補使言。言字依類聚補語取。

寒皋斷其舌即語矣。寒皋一名鸛鵒。同上九百二十三

伯勞使蛇蛻蟬乃天使然也。同上

伯勞守金人不敢取。取伯勞血以塗金人不敢取

七百三十三有也同上化為石三字

鷓鴣腦令雞自伏。取鷓鴣腦以塗雞目即伏不能起也

同上

蝦蟆得瓜平時為鷓。取瓜去瓣置生蝦蟆其中殺

鷓以血塗瓜堅塞之埋東垣北角深三尺其平白發

出之以為鷓矣。同上九百二十四

雞日矣无

十字並无



乃无膽服

則自无物下六字无

天雄鶴胎日行千里 取鶴胎於月中暴一日一增鳥旦

天雄一月用三十天雄而并治為丸大如梧子欲行吞一丸同騰蛇膽和大良去天雄乃獨膳即行千里再膳三字无

同上九百二十五

甌瓦止鼻鳴 取破甌瓦向抵之輒自止物相勝其瓦上鼻鳴底

性耳同上九百二十七

鷄鵠致鳥 取鷄鵠折其大羽絆其兩足以為媒張鷄鵠

羅其旁鳥自聚矣同上

龜脂得火可以燃鐵 取龜殺之燒鐵如炭狀以焯自无

其脂中鐵自燃同上九百三十二

注文十七字孫本无

孫本注蛇肝和丸令人不倦

烏喙地肝病作不苦 取烏喙地肝各等和治丸如蛇作无

梧桐實病欲作吞一丸人不倦矣同上九百三十三

燒蟹致鼠同上九百四十二

螢火卻馬 取螢火裹以羊皮置土中馬見之鳴卻

不敢行同上九百四十五

守宮塗臍婦人無子 取守宮一枚置甕中及蛇衣

以新布密裹之懸於陰處百日治守宮蛇衣分等以

唾和之塗婦人臍磨令溫即無子矣同上九百四十六

守宮飾女臂有文章 取守宮新合陰陽者牝牡各飭

一藏之瓮中陰乾七百三十六引作取守百日以飾飭



孫本接又曰取七月七日守宮陰乾之治合以井花水和塗女人身有文章則以丹塗之不去者不淫去者有姦御覽同上

女臂則生文章

三十引作以并華水和塗與男子合陰陽輒滅去

七十一引作不去者不淫去者有姦

苓皮蟬脂魚鼈自聚

中

狀以淬蟬脂置苓皮水中七日

碎已

自聚矣

同上九百

蜘蛛塗布而雨自晞

稀塗

殺以塗布而雨不能濡也

同上九百

然而雨能

取蜘蛛與水狗及豬肪置甕中密以新縑仍懸室中

中无

後百日視之蜘蛛肥殺之以塗足涉水不沒矣又一

又无

法取蜘蛛二七枚內甕中合肪百日以塗足得行水

云猪

上故曰蜘蛛塗足不用橋梁

同上

竹蟲飲人自言其誠

竹蟲三枚竹黃十枚治之欲

得人情取藥大如豆燒酒中飲之不令醉以問其事

撓

必得其實也

同上

黍成蟻螬

以秋冬穫黍中即生蟻螬也

雜置鹽

青蚨還錢

青蚨一名魚或曰蒲以其子母各等置

瓮中埋東行陰垣下三日後開之即相從以母血塗

八十一錢亦以子血塗八十一錢以其錢更互市置

子用母置母用子錢皆自還也

同上九百五十九

沙蟲一名蓬活一名地脾

同上

錢无



八月榆櫺音而令人不飢 以美酒漬榆櫺曝乾以清

梁米紫萁實蒸令相合欲不食者三指撮酒以服之

即不飢耳同上九百五十六

桐木成雲 取十石瓦甕滿水中置桐甕中七百三十六作

取梧木置蓋之三四日氣如雲作同上

藥令面悅 取藥葉三寸土荂三枚大棗七枚膏和

塗面不得四五日立悅矣先以湯洗面乃傳藥同上九百

南山牡荊指病自愈 節不相當有月暈時尅鳳臺縣志

刻作之上

夜燒雄黃水蟲成列 水蟲聞燒雄黃晷氣皆趣火

同上九百八十八

磁石拒七百三十基 取雞血口作鍼磨鐵擣之以

和九字作磨鐵磁石日塗基頭曝乾之置局上即

相拒不休同上

磁石縣井亡人自歸 取亡人衣帶裏磁石縣井中

亡人自歸同上

取曾青十觔燒之以水灌其地雲起如山雲矣同上

曾青為藥令人不老同上

朱沙為瀕同上

孫本注曰取雞血雜磨針鐵杵和磁石基頭置局上即自相拒抵



天雄雄雞志氣益 取天雄二枚納雄雞腹中搗生

食之令人勇 同上九百九十

岑皮致水 同上九百 取岑 按疑即 皮置甕中自沸

如雨也 同上七

莽草浮魚 取莽草葉并陳粟米合擣之以內水魚

皆死 同上九百

迴風之草見八方 取迴風草三寸三枝五寸五枝

以城西面土三家不及井中青泥南雞欲上棲不上

者并治合為丸磨其面目出戶為八方矣 同上九百

以牡菊灰散池中蛙盡死 同上九百

野並 反苓 枝枚 石 視 地

酒薄復厚漬以苑蒲 斷蒲漬酒中有頃出之即厚

酒也 同上九百

七月七日午時取生瓜葉七枚置中北堂中向南立

以拭面靨即當滅矣 鳳臺縣志

艾火令雞子飛 取雞子去其汁 二字本作殼依九

然艾火內空卵 卯字依九百 中疾風高舉自飛去 覽御

七百三十六

鴻毛之囊可以渡江 盛鴻毛於縑囊可渡江不溺

也 同上九百

囊之繩以 也无



淮南萬畢術古五行家言也又稱淮南萬畢經  
其書梁時尚存至隋時始佚故隋志稱梁有  
淮南萬畢經今它書所引皆稱萬畢術往者孫  
氏馮翼曾以集本刻入問經堂流傳惜誤字未經  
訂正去冬得吳江沈小垣先生集本亟命藻兒別  
錄副本仍以問經堂本異同標於上下方俟質  
衷於吾夫子而定論焉

咸豐七年六月長洲馬釗

萬畢人姓名見史記龜策列傳蓋八公之輩有術一卷漢海  
郡高誘注見淮南外篇既信焉君過錄集本復誌數語

陳年冬十二

亢倉子

全道篇第一

亢倉子居羽山之顛三年俗無疵癘而仍穀熟其俗  
竊相謂曰亢倉子之始來吾鮮然異之今吾日計之  
不足歲計之有餘其或聖者耶盍相與尸而祝之社  
而稷之乎亢倉子聞之色有不釋其徒鰲啜從而啓  
之亢倉子曰吾聞至人尸居環堵之室而百姓猖狂  
不知其所如往今以羽俗父子竊竊焉將俎豆予我  
其杓的之人邪吾是以不釋於老聃之言鰲啜曰不者  
夫尋常之汙巨魚無所還其體而鯢鮪為之制步仞



之丘巨獸無所隱其軀而夔狐為之祥且也尊賢事  
能嚮善就利自堯舜以固然而况羽俗乎先生其聰  
矣亢倉子曰噫來夫二子者知乎函車之獸介而離  
山罔罟制之吞舟之魚蕩而失水螻蟻苦之故鳥獸  
居欲其高魚鼈居欲其深夫全其形生之人藏其身  
也亦不厭深眇而已吾語若大亂之本禴乎堯舜之  
間其終存乎千代之後千代之後必有人與相食者矣言未終  
南子榮之樗色蹇然膝席曰樗年運而長矣將奚以  
託業以事斯言亢倉子曰全汝形抱汝生死使汝思  
慮營營若此緒年或可以及此言雖然吾才小不足

以化子子胡不南謁吾師聃亢倉子既謝榮之樗不  
釋羽俗而龍已乎天下水之性清土者滑之故不得  
清人之性壽物者滑之故不得壽物也者所以養性  
也今世之惑者多以性養物則不知輕重也是故聖  
人之於聲色滋味也利於性則取之害於性則捐之  
此全性之道也萬人操弓共射一招招無不中萬物  
章章以害一生生無不傷故聖人之制萬物也全其  
天也天全則神全矣神全之人不慮而通不謀而當  
精照无外志凝宇宙德若天地然上為天子而不驕  
下為匹夫而不愠此之謂全道之人心平正不為外



物所誘曰清清而能乂則明明而能久則虛虛則道全而居之秦佚死亢倉子哭之其役曰天下皆死先生何哭為也亢倉子曰天下皆哭安得不哭其役曰哭者必哀而先生未始哀何也亢倉子曰舉天之下吾无與樂安所取哀蛻地之謂水蛻水之謂氣蛻氣之謂虛蛻虛之謂道虛者道之體靖者道之地理者道之綱識者道之目道所以保神德所以宏量禮所以齊儀物所以養體好質白之物者以黑為汚好質黑之物者以白為汚吾又安知天下之正潔汚哉由是不主物之潔汚者矣夫瞽視者以黈為赤以蒼為

玄吾乃今所謂見白安知識者不以為黈黃吾又安知天下之正色哉由是不遁物之色矣夫好貨甚者不見他物之可好好馬甚者不見他物之可好好書甚者不見他物之可好吾又安知天下之果可好者果可惡者哉由是不見物之可以保戀矣无能滑吾真矣陳懷君柳使其大夫禱行聘於魯叔孫卿私曰吾國有聖人若知之乎陳大夫曰奚以果明其聖叔孫卿曰能廢心而用形陳大夫曰弊邑則小亦有聖人異於所聞曰聖人為誰陳大夫曰有亢倉子者偏得老聃之道其能用耳視目聽定公聞而異焉使叔



孫氏報聘且致亢倉子待以上卿之禮亢倉子至賓  
于亞寢魯公卑辭以問之亢倉子曰吾能視聽不用  
耳目非能易耳目之所用告者過也公曰孰如是寡  
人增異矣其道若何寡人果願聞之亢倉子曰我體  
合於心心合於氣氣合於神神合於無其有介然之  
有唯然之音雖遠際八荒之表通在眉睫之內來于  
我者吾必盡知之乃不知為是我七竅手足之所覺  
六腑五臟心慮之所知其自知知已矣

用道篇第二

天不可信地不可信人不可信心不可信惟道可信

賢主秀士豈知哉昔者桀信天與其禪四海已不勤  
於道天奪其國以授殷紂亦信天與其禪四海已不  
龔於道天奪其國以授周今夫惰農信地實生百穀  
不力於其道地竊其果稼而荒翳之齊后信人之性  
時讓不明於其道舉全境以付人人實鵠義而有其  
國凡人不修其道隨其心而師之營欲茂滋災疾朋  
豐戕身損壽心斯害之矣故曰惟道可信天地非道  
不能悠久蒼生非賢不能靖順庶政非才不能和理  
夫用道之人不露其用福滋萬物功歸无有神融業  
茂靈慶悠長知而辨之謂之識知而不辨謂之道識



以理人道以安人夫雞辰而作負日任勞流汗灑地  
夜分僅息農夫之道也俯拾仰取銳意錐撮力思搏  
精希求利潤賈豎之道也嚙氣谷神宰思損慮超遙  
輕舉日精鍊仙高士之道也剗情端想畢志所事倫  
揆忘寢謀效位司人臣之道也清心省念察驗近習  
務求賢良以安萬姓人主之道也若由是類之各順  
序其志度不替塞其業履是謂天下有道導筋骨則  
形全剪情欲則神全靖言語則福全克保三全是謂  
清賢道德順則鬼神助信義敦則君子合禮義備則  
小人懷有識者自是無識者亦自是有道者靜默闇

鈍者亦靜默物固有似是而非似非而是先號後笑  
始吉終凶身可親而才不可親才可敬而身不堪敬  
敬甚則不親親甚則不敬親之而踈踈之而親恩甚  
則怨生愛多則憎至有以速為貴有以緩為貴有以  
直為貴有以曲為貴百事之宜其由甚微不可不知  
是故智者難之靜則神通窮則意通貴則語通富則  
身通理勢然也同道者相愛同藝者相嫉同與者相  
愛同取者相嫉同病者相愛同壯者相嫉人情自然  
也多才而好謙貧賤而不諂處勞而不為辱富貴而  
恭勤可謂有德者也



政道篇第三

人无法以知天以四時寒暑日月星辰之所行知天  
若四時寒暑日月星辰之所行當則諸生血氣之類  
皆得其處而安其產矣人臣亦无法以知主以主之  
賞罰爵祿之所加知主若知主之賞罰爵祿之所加宜  
則親疎遠近賢不肖皆盡其才力而以為用矣信全  
則天下安信失則天下危夫百姓勤勞財物殫盡則  
爭害之心生而不相信矣人不相信由政之不平也  
政之不平吏之皐也吏之有皐刑賞不齊也刑賞不  
齊主不勤明也夫主勤明則刑賞一刑賞一則吏奉

貶庶司尹長五人曰無令人臣附下罔上持祿阿意  
天下聞之稱為齊明海南之西歸者七國至理之世  
輿服純素憲令寬簡禁網疎濶夫輿服純素則人不  
勝羨憲令寬簡則俗无忌諱矣禁網疎濶則易避難  
若人不勝羨則嗜欲希微而服役樂業矣俗无忌諱  
則抑閉開舒而歡欣交通矣易避難犯則好惡分明  
而貴德知耻矣夫服役樂業之謂順歡欣交通之謂  
和貴德知耻之謂正浮墮之人不勝於順逆節之人  
不勝於和姦邪之人不勝於正順和正三者理國之  
宗也衰末之世輿服文巧憲令襍祈禁網頗僻夫輿



服文巧則流相炎慕憲令穰祈則俗多忌諱禁網頗  
僻則莫知所遁若流相炎慕則人不忠潔而耻樸貴  
華矣俗多忌諱則情志不通而上下膠戾矣莫知所  
遁則讒魘繁興而衆不懼死矣夫耻樸貴華之謂浮  
上下膠戾之謂塞衆不懼死之謂冒真正之士不官  
於浮公直之士不官於塞器能之士不官於冒浮塞  
冒三者亂國之梯也荆君熊圉問水旱理亂亢倉子  
曰水旱由天理亂由人若人事和理雖有水旱無能  
為害堯湯是也故周之秩官云人強勝天若人事壞  
亂縱無水旱日益崩離且桀紂之滅豈惟水旱荆君

北面遵循稽首曰天不棄不穀及此言也乃以弘璧  
十朋為亢倉子壽拜為亞尹曰庶吾國有瘳乎亢倉  
子不得已中宿微服違之他邦至理之世山無偽隱  
市無邪利朝無佞祿國產問何由得人俗醇樸亢倉  
子曰政煩苛則人姦偽政省一則人醇樸夫人俗隨  
國政之方圓猶蠖屈之於葉也食黃則身黃食蒼則  
身蒼曰何為則人富亢倉子曰賦歛以時官上清約  
則人富賦歛無節官上奢縱則人貧勾粵之斡鍤以  
精金鷲隼為之羽以之培筭則其與槁樸也無擇及  
夫蕩寇爭衡覲武決勝加之駭弩之上則三百步之



外不立敵矣蜚景之劍威奪白日氣盛紫蜺以之割  
獲則其與劓刃也無擇及夫凶邪流毒沸渭不靖加  
之運掌之上則千里之內不留行矣夫材有分而用  
有當所貴善因時而已耳昔者明王聖帝天下和平  
萬物茂暢群性得極善因時而勿擾者也近古以來  
天下姦邪者衆正直者寡輕薄趨利者多敦方退靜  
者蠱姦者出言長於忠言遂使天下之人交相疑害  
悲夫作法貴於易避而難犯救弊貴於省事而一令  
除去豪橫則官人安刑禁必行則官人不敢務私利  
而百姓富史刑曰青災肆赦赦不欲數赦數則惡者

得計平人生心而賢良否塞矣人有大有大為賊害官吏  
捕獲因廣條引誣陷貞良濶遠牽率冀推時序卒蒙  
赦宥遇賊害者訖無所快自毒而已由是平人遞生  
黥計吏勞政酷莫能鎮止此由數赦之過也夫人之  
所以惡為無道不義者為其有罰也所以勉為有道  
行義者為其有賞也今無道不義者赦之而有道行  
義者被妒而不賞欲人之就善也不亦難乎世有賢  
主秀士肯察此論人怨者非不接人也神怒者非不  
事神也巧佞甚人愈怨淫祀盛神愈怒



始生之者天也養成之者人也能養天之所生而勿  
櫻之謂之天子天子之動也以全天氣故此官之所  
以自立也立官者以全生也今世之惑主多官而反  
以害生則失所以為立官之本矣草鬱則為腐樹鬱  
則為蠹人鬱則為病國鬱則百慝並起危亂不禁所  
謂國鬱者主德不下宣人欲不上達也是故聖王貴  
忠臣正士為其敢直言而決鬱塞也克己復禮賢良  
自至君耕后蠶蒼生自化由是言之則賢良正可待  
不可求求得非賢也蒼生正可化不可刑刑行非理  
也堯舜有為人主之勤堯為人主之欲故天下各得

濟其欲有為人主之位死為人主之欲故天下各得  
肆其心士有天下人愛之而主不愛者有主獨愛之  
而天下人不愛者用天下人愛者則天下安用主獨  
愛者則天下危人主安可以自放其愛憎哉由是重  
天下者當制其情所謂天下者謂其有萬物也所謂  
邦國者謂其有人衆也夫國以人為本人安則國安  
故憂國之主務求聖人之材王之所以難辨者謂其  
有怪石也金之所以難辨者謂其有鍤石也今夫以  
隼翼而被之鷄視不明者正以為隼明者視之乃鷄  
也今夫小人多誦經籍方書或學奇技通說而被以



青紫章服使愚者聽而視之正為君子明者聽而視之乃小人也故人主誠明以言取人理也以才取人理也以行取人理也人主不明以言取人亂也以才取人亂也以行取人亂也夫聖人之用人也貴耳不聞之功目不見之功口不可道之功而百姓暢然自理矣若人主貴耳聞之功則天下之人運貨逐利而市譽矣貴目見之功則天下之人恢形異藝而爭進矣貴可道之功則天下之人習舌調吻而飾辭矣使天下之人市譽爭進飾辭見達則政敗矣人主皆知鏡之明已也而惡士之明已也鏡之明已也功細士

之明已也功大知其細失其大不知類矣於乎人主清心省事人臣恭儉守職太平立政矣而世或難之吾所不知也若人主方寸之地不明不斷則天地之宜四海之內動植萬類咸失其道矣以耳目取人者官多而政亂以心慮取人者官少而政清是知循理之世務求不可見不可聞之材澆危之世務取可見聞可見之材於乎人主豈知哉以耳目取人人皆數效以買譽以心慮取人人皆靜正以勤德吏靜正以勤德則不言而自化吏數效以買譽則刑之而不畏世主豈知哉



臣道篇第五

夫國之將興也朝廷百吏或短或長或醜或美或怡或厲或是或非雖聽其言觀其貌有似不同然察其志徵其心盡於為國所以剛訐不怨黜退不愕議得其中无違乎理故天不忒其時地不乏其利人不亂其事鬼神開贊蠻夷柔同保合太和萬物化育國之將亡也朝廷百吏姿貌多美顏色諧和詞氣華柔動止詳潤雖觀其貌聽其言有若歡洽然察其志徵其心盡在競位所以聞奇則怪見異必愕狙嫉相蒙遂喪其道故天告災時地生反物人作凶德鬼神間禍

戎狄交侵喪亂弘多萬物不化夫不傷貨財不妒人力不損官吏而功成政立下阜百姓上滋主德如此者忠賢之臣也若費財煩人危官苟效一時功利規賞於主不顧過後貽災於國如此者忠臣也至理之世官得人不理之世人得官邾龍覲問事君亢倉子曰既策名而臣人者心莫若公貌莫若和言莫若正公不欲露和不欲雜正不欲犯古之清勤為國脩政今之清勤為身脩名夫為國脩政者區處條別動得其宜合於大體為身脩名者區處條別致遠不通拘於小節是知心以道為主抵事得其所心以事為主



抵物失其所臣居上位不諫下位不公不合贍其祿  
君不嚴敬大臣不彰信小臣不合官其朝有才者不  
必忠忠者不必有才臣不患有忠適恐盡忠而主莫  
之信不患不信適恐信之而莫能事事上等之人得  
其性則天下理中等之人得其性則天下亂明主用  
上等之人當委以權宜便事肆其所為用中等之人  
則當程課其功示以賞罰

賢道篇第六

賢良所以屢求而不至難進而易退者非為愛身而  
不死王事適恐盡忠而主莫之信耳自知有才識之

人外恭謹而內無憂其於衆也和正而不狎親之則  
彌莊疎之則退去而不怨窮厄則以命自寬榮達則  
以道自正人有視其儀賢也聽其聲賢也徵神課識  
或負所望夫賢人其見用也入則諷譽出則龔默職  
司勤辨居室檢閑其未見用也藏身於衆藏識於目  
藏言於口飽食安步獨善其身貞而不怨智者不疑  
事識不疑人有識之士行危而色不可疏言遜而理  
不可拔凡謂賢人不自稱賢効在官政功在事事太  
平之時上士運其識中士竭其耐小人輸其力齊有  
培子者材可以振國行可以獨立事父母孝謹鄉黨



恭循念居貧無以為養施信義而游之者久矣所如寡合或為乘時夸毗者所嗤給於是曳杖步足問乎亢倉子曰吾聞聖人忘情黎人不事情存情之曹務其教訓而尊信義吾乃今不知為工受不信為信信而不見信為信為勤慕義為義義而不俟義為義然則信義之士常獨厄隨退胡以取貴乎時而教理之所上也亢倉子俯而循衽仰而譔超然而歌曰時之陽予信義冒時之默兮信義伏陽與默冒與伏汨吾無誰和兮羌忽不知其讀夫運正性以如適而物莫之應者真不行也夫真且不行謂之道喪道喪之時

上士乃隱隱之為義有可為也莫可為者也有可用也莫可用者也祭公問賢材何從而可致亢倉子曰賢正可待不可求材慎在求不慎無若天子靜大臣明刑不避貴澤不隔下則賢人自至而求用矣賢人用則四海之內明目而視清耳而聽坦心而無鬱矣天自成地自寧萬物醇化鬼神不能靈故曰賢正可待不可求若天子勤明大臣和理之求士也則恢弘方大公直靖人之材至若天子苛察大臣躁急之求士也則曲心巧應毀方破道之材至若天子疑忌大臣巧隨之求士也則奇姓異名仄媚怪術之材至若



天子自賢大臣固位之求士也則事文逐譽貪濁浮  
麗之材至若天子依違大臣回佞之求士也則內忠  
外僻情毒言和之材至故曰材慎在求不慎無昔者  
黃帝得常仙封鴻臚容丘商王得伊尹中興得甫申  
齊桓得甯籍皆由數君體道邁仁布昭聖武思緝光  
明寬厚昌正而衆賢自至而求用非為簡核而得之  
也祭公曰夫子云賢人不求而自至亦有非賢不求  
而自至者乎亢倉子曰夫非賢不求而自至者固衆  
矣夫天下有道則賢人不求而自至天下無道則非  
賢不求而自至人主有道者寡無道者衆天下賢人

少不肖者多是知非賢不求而自至者多矣祭公曰  
賢固濟天下材亦能濟天下俱濟天下賢與材安取  
異邪亢倉子曰窘乎哉其問也夫功成事畢不殉封  
譽恭退樸儉之謂賢功成事畢榮在祿譽光揚滿志  
之謂材賢可以振國材亦可以理國所謂鎮者和寧  
無為人不知其力所謂理者勤率其事人知所於德  
一賢統衆材則有餘衆材度一賢猶不足如是賢材  
之殊域有居山林而誼者有在人俗而靜者有誼而  
正者有靜而邪者凡視察其貌鄙俗而能有言者萬  
不有一視察其貌端雅而實小人者十而九夫不練



其言而知其文不責其儀而審其度不采其譽而知其善不流其毀而斷其實可謂有識者也

訓道篇第七

閔子騫問仲尼道之與孝相去奚若仲尼曰道者自然之妙用孝者人道之至德夫其包運天地發育萬物曲成萬類布王性壽其功至實而不為物府不為事官無為功尸捫求視聽莫得而有字之曰道用之於人字之曰孝孝者善事父母之名也夫善事父母敬順為本意以承之順承顏色無所不至發一言舉一意不敢忘父母營一手措一足不敢忘父母事君

不敢不忠朋友不敢不信臨下不敢不敬嚮善不敢不勤雖居獨室之中亦不敢懈其誠此之謂全孝故至誠之至通乎神明光于四海有感必應善事父母之所致也昔者虞舜其大孝矣庶母惑父屢憎害之舜心益恭懼而無怨謀使浚井下土實之于時天休震動神明駿赫導穴而出奉養滋謹由是玄德茂盛為天下君善事父母之所致也文王之為世子也其大孝矣朝夕必至于寢門之外問寺人曰茲日安否如何曰安太子溫然喜色小不安節太子色憂滿容朝夕食上太子必視寒煖之節食下必知膳羞所進



然後退寺人言疾太子肅冠而齋膳宰之饌必敬視之湯液之貢必親嘗之嘗饌善則太子亦能食嘗饌寡太子亦不能飽以至于復初然後亦復初君后有過怡聲以諷君后所愛雖小物必嚴龔是故孝成於身道洽天下雅曰文王陟降在帝左右言文王靜作進退天必贊之故紂不能害夢啓之壽卜世三十卜年七百天所命也善事父母之所致也閔子騫曰善事父母之道既幸聞矣敢問教子之義仲尼曰凡三王教子必視禮樂樂所以脩內禮所以脩外禮樂交修則德容發輝于貌故能溫恭而文明夫為人臣者

殺其身有益於君則為之況利其身以善其君乎是故擇建忠良貞正之士為之師傅欲其知父子君臣長幼之道夫知為人子然後可以為人父知為人臣然後可以為人君知事人然後能使人此三王教子之義也閔子騫退而事之於家三年人無間於父母昆弟之言交遊稱其信鄉黨稱其仁宗族稱其弟德行之聲溢于天下此善事父母之所致也齊太子生清臺之上燕莊侯他高冠嚴色左帶玉具劔右帶環珮左光照右右光照左太子讀書不視莊侯他問曰齊國有寶乎太子曰主信臣忠百姓戴上齊國之寶



也莊侯他應聲解劔而去於乎人有偏蔽終身莫自知已矣賢者見之寬恕而不言小人暴愛而溢言親戚憐嫉而貳言人有偏蔽惡乎不自知哉是故君子檢身常若有過衣其衣食其食知其過而不克有以正之者君子耻之將欲有言識其必不能行者君子罕言當責衆人之惡者視已善乎哉當責衆人之邪者視已正乎哉此之謂返明翟西氏之子甚孝謹翟西憐其子而好妄與之言翟西辰出夕返則曰甲死矣其子信之既而甲在焉他夕則曰乙且害予其子伺將行仇既而不見惡端他夕則曰丁病矣其子覘

之丁誠無恙舉此類也冒淹年序子固孝謹至於訓勒益不保承鄉國之人疾其咎口謀將殺之翟西聞而懼歸以告子子未甚信既而翟西見殺謂多言之人為疎露亦有辭約而不密者謂輕佻之人為不定亦有體閒而心躁者謂叢雜之人為猥細亦有外潔而內濁者若類而引之不可殫載若非徹識安能洞詳時有不可不應事也者內靜而外動易動而難靜時有不可不求事也者內思而外待待至而後樂是故外靜而內動者搖思而損性奔走而逐利者勞力而害名人生於世或有事不遂志而宣言云不遇時



者是無異負丹頸之罪俟時行戮豈不殆哉其有博  
才通識未見稱用者正可云時非不清命未與耳豈  
不韙歟長於諫者務依存前人之性而剪制其情之  
所由起是以彼此開進親敬殷篤不長於諫者務攻  
前人之性而闇於情之所來是以彼此嫌貳猜疊日  
積兒童之所簡者乃耆耄之所非耳目之所娛者乃  
心慮之所疾健責天下之愚者已之未賢也健責天  
下之迷者已之未明也以未賢責衆愚未賢者以之  
亡以未明責衆迷未明者以之傷

農道篇第八

人捨本而事末則不一令不一令則不可以守不可  
以戰人捨本而事末則其產約其產約則輕流徙輕  
流徙則國家時有災患皆生遠志無復居心人捨本  
而事末則好智好智則多詐多詐則巧法令巧法令  
則以是為非以非為是古先聖王之所以理人者先  
務農人農人非徒為地利也貴行其志也人農則樸  
樸則易用易用則邊境安安則主位尊人農則童童  
則少私義少私義則公法立力博深農則其產複其  
產複則重流散重流散則死其處无二慮是天下為  
一心矣天下一心軒皇几邁之理不是過也古先聖



王之所以茂耕織者以為本教也是故天子躬率諸侯耕籍田大夫士第有功級勸人尊地產也后妃率嬪御絲於郊桑公田勸人力婦教也男子不織而衣婦人不耕而食男女貿功資相為業此聖王之制也故敬時愛日埶實課功非老不休非疾不息一人勤之十人食之當時之務不興土功不料師旅男不出御女不外嫁以妨農也黃帝曰四時之不可正正五穀而已耳夫稼為之者人也生之者天也養之者地也是以稼之容足耨之容耰耘之容手是謂耕道農攻食工攻器賈攻貨時事不曠敘之以土功是謂大

凶凡稼蚤者先時暮者不及時寒暑不節稼乃多災冬至已後五旬有七日而昌生於是乎始耕事農之道見生而藝生見死而穫死天發時地產財不與人期有年紀土無年紀土無失人時迨時而作過時而止老弱之力可使盡起不知時者未至而逆之既往而慕之當其時而薄之此從事之下也夫耨必以旱使地肥而土緩稼欲產於塵土而殖於地堅者慎其種勿使數亦無使踈於其施土無使不足亦無使有餘畎欲深以端畝欲沃以平下得陰上得陽然後盛生立苗有行故速長強弱不相害故速大正其行通



其中疏為冷風則有收而多功率稼望之有餘就之則疏是地之竊也不除則蕪除之則虛是事之傷也苗其弱也欲孤其長也欲相與居其熟也欲相與扶三以為族稼乃多穀凡苗之患不俱生而俱死是以先生者美米後生者為粃是故其耨也長其兄而去其弟樹肥無使扶踈樹瘠不欲專生而獨居肥而扶踈則多粃瘠而獨居則多死不知耨者去其兄而養其弟不收其粟而收其粃上下不安則稼多死得時之禾長稠而大穗園粟而薄糠米飴而香舂之易而食之強失時之禾深芒而小莖穗銳多粃而青薈得

時之禾穗不芒以長搏米而寡糠失時之禾大本華莖葉膏短穗得時之稻莖葆長稠穗如馬尾失時之稻纖莖而不滋厚糠而留死得時之麻踈節而色陽堅杲而小本失時之麻蕃柯短莖岸節而葉蟲得時之菽長莖而短足其莢二七以為族多枝數節競葉繁實稱之重食之息失時之菽必長而蔓浮葉虛本踈節而小莢得時之麥長稠而頸族二七以為行薄翼而薺色食之使人肥且有力失時之麥肘腫多病弱苗而翼穗是故得時之稼豐失時之稼約庶穀盡宜從而食之使人四衛變強耳目聰明凶氣不入身



無苛殃善乎孔子之言冬飽則身溫夏飽則身涼夫  
溫涼時適則人無病疹人無病疹是疫癘不行疫癘  
不行咸得遂其天年故曰穀者人之天是以興王務  
農王不務農是棄人也王而棄人將何國哉

兵道篇第九

秦景主將眎強兵於天下使庶長鮑戎必致命亢倉  
子待以壤邑十二周實迫之亢倉子至自滎泉賓于  
上館景主三日弗得所問下席北首頓珪曰天果無  
意恤孤邪亢倉子油然虧眊曰朕以主為異之問而  
寧弊弊焉以斫刺為故抑者亦隨其欲而得正焉無

可矣景主一拜再舉歛黼衽端珪抑首而坐曰實  
惟天所命亢倉子仰懷而噓俯正顏色曰原兵之所  
起與始有人俱夫兵也者出人之威也人之有威性  
受於天故兵之所自來上矣嘗無少選不用貴賤長  
少賢愚相與同察兵之兆在心懷惠而未發兵也疾  
視作色兵也傲言推拔兵也侈鬪攻戰兵也此四者  
鴻細之爭也未有蚩尤之時人實揭材木以鬪矣黃  
帝用水火矣共工稱亂矣五帝相與爭矣一興一廢  
勝者用事夫有以咽藥而死者欲禁天下之醫非也  
有以藥舟而死者欲禁天下之醫船非也有以用兵而



喪其國者欲禁天下之兵非也夫兵之不可廢譬水  
火焉善用之則為福不善用之則為禍是故怒咎不  
可偃於家刑罰不可偃於國征伐不可偃於天下古  
之聖王有義兵而無偃兵兵誠義以誅暴君而振苦  
人人之悅也若孝子之見慈親餓隸之遇美食號呼  
而走之若強弩之射深谷也勝負之決勿徵於他必  
反人情人之情欲生而惡死欲榮而惡辱死生榮辱  
之道一則三軍之士可使一心矣凡軍欲其衆也心  
欲其一也三軍一心則令可使無敵矣古之至兵蓋  
重令也故其令強者其敵弱其令信者其敵誦先勝

之於此則勝之於彼誠若此則敵胡足勝也凡敵人  
之來也以求利也今來而得死且以走為利敵皆以  
走為利則刃無所與接矣此之謂至兵傲虐姦詐之  
與義理反也其勢不俱勝不兩立故義兵入於敵之  
境則人知所庇矣兵至於國邑之郊不踐果稼不穴  
丘墓不殘積聚不焚室屋得人虜虜而歸之信與人  
期以效敵資以章好惡以示逆順若此而猶有復狠  
凌宥不聽者雖行武焉可也先發聲出號令曰兵之  
來也以除人之讎以順天之道故剋其國不屠其人  
獨誅所誅而已於是舉選秀士賢良而尊封之求見



孤疾長老而拯救之發府庫之財散倉廩之穀不私其物曲如其禮今有人於此能生死人一人則天下之人爭事之矣義兵之生一人亦多矣人孰不悅故義兵至則鄰國之人歸之若流水誅國之人望之如父母行地滋遠得人滋衆辭未終景主興稽首曰孤獲聞先生教言不覺氣盈宇宙志知所如也而心滋益冀於是步前稱觴為亢倉子壽拜居首列師位嚴于齋室又月涉旬辰加天關白晝行道

亢倉子終

舊題周庚桑楚作王士元作孟浩然集序嘗自述其事則唐王士元撰所偽託者也咸豐六年冬月唐君璩並照舊刻本錄贈陳真記